



O a ni mea o loo manao i ai le tamaititi aoga?

O le faamoemoe lava a'o fai galuega faataitai o le taumafai pea lava e tuuina atu ni avanoa e fialia ai ma galuega ia aoga. Ina ia mautinoa o se avanoa e aoao ai mo le potomasani ia lelei, e tele tulaga e tataua ona fai. E faamalositia tamaiti ia:

- Saili e latou o latou avanoa i galuega, pe afai e mafai. Ae peitai e mafai ona fesoasoani le aoga i tamaiti aoga.
- Faatumu le Pepa Talosaga mo Galuega Faataitai ma toe faafoi vave mai i le aoga.
- A'o lei amata i le galuega faataitai, faatumu mai le pepa safe@work mo le saogalemu i galuega ma le soifuaamaloloina. Ona maua lea e tamaiti o le pepa faamaonia – Certificate.
- Amio pei lava o se tagata faigaluega a'o i ai i le galuega, ma usitai i tulafono uma ma faatonuga a le fale faigaluega ma o latou pule – supervisor.
- Ia manatua, a'o i galuega o latou o sui mai le aoga, o lona uiga e faaoga foi ma tulafono uma o amioga a le aoga i taimi uma lava.
- Fai faauma meaaoga e avatu e fai mai a'o i ai i galuega faataitai.
- Ia malamalama o le i ai i galuega e avatu ai ma faamaumauga tau oe e le faalaua'itleina, e tataua lava la ona teuina faalelei.
- Ia malamalama o mea faigaluega uma, o le faaogaina o le telefoni, initaneti ma masini e kopi ai pepa, e na o galuega lava a le fale faigaluega e fai ai.
- Faaoga na o seevae talafeagai/puipui ai faapea lavalava/toniga e pei ona faatonuina e le pule.
- Saili ni faamatalaga mai le pule i le faaiuga o le galuega a tamaiti ma faafetai i ai mo avanoa.

Totogi

O le totogi pito maualalo mo tamaiti aoga e \$5 i le aso.

E le totogiina tamaiti aoga pe faigaluega faataitai i se matagaluega o le Malo Tele poo se galuega e faavaeina i lalo o le tulafono a le Malo Tele, o se aoga, komiuniti poo se faalapotopotoga e le faia ia maua mai ai se polofiti.

O tamaiti aoga e i ai ma'i faaletonu – (disabilities)

O tamaiti aoga e i ai ma'i faaletonu i o latou tino e mafai ona faaopopo le taimi e faigaluega faataitai ai, pe afai ua manatu e tusa ai ma la latou polokalame aoga, e manaomia nisi taimi faaopopo e atinae ai tomai faapitoa.

O a tiute ma mea e tataua ona fai e pule o fale faigaluega?

Pei lava o soo se tagata faigaluega, o tamaiti aoga e kava foi latou i lalo o tulafono faasetete ma le malo tele e pulea ai le saogalemu ma le le faailoga lanu saoloto i falefaigaluega. E tataua ona usita'ia e fale faigaluega uma ia tulafono o le saogalemu i galuega ma le soifua maloloina, ma ia faia faataitaiga ma aoaoina lou alo i tulaga ia. O aoaoga ma faataitaiga e fai i lou alo e faatatau i galuega ia o le a latou vaavaai i ai poo le a latou galulue ai foi. Afai e manu'a lou alo ole a fesootai atu le pule ia oe ma le aoga ile vave lava e mafai ai.

Faigaluega faataitai

'Aoaoga e uiga i galuega'

Mo nisi faamatalaga, faafesootai lau aoga pito lata ane.